



LAPORAN LIPUTAN MEDIA

SELASA / 3 OKTOBER 2023

- 1. EMPAT LANGKAH INTERVENSI TANGANI ISU BERAS – SINAR HARIAN**
- 2. PIHAK SOROK BERAS DIBERI AMARAN – BERITA HARIAN**
- 3. ‘SUDAH DUA BULAN BERAS TEMPATAN TIADA’ – HARIAN METRO**
- 4. KERAJAAN BERI SUBSIDI BERAS IMPORT RM950 SATU TAN – UTUSAN MALAYSIA**
- 5. KERAJAAN BURU PESALAH BERAS – KOSMO**
- 6. DAKWAAN BEKALAN BERAS HABIS PUNCA BERLAKU PEMBELIAN PANIK – KOSMO**
- 7. 4 MEASURES TO ADDRESS RICE WOES UNVEILED – NEW STRAIT TIMES**

DISEDIAKAN OLEH:

CAWANGAN KOMUNIKASI KORPORAT (MADA)

KERATAN AKHBAR : SINAR HARIAN

TARIKH : 3 OKTOBER 2023

PERKARA : ISU SEMASA

Cadangan itu dipersetujui PM dalam pertemuan bersama menteri KPKM pada Isnin

KUALA LUMPUR

Empat langkah intervensi tangani isu beras

Perdana Menteri, Datuk Seri Anwar Ibrahim bersetuju empat langkah intervensi tambahan dilaksanakan bagi menangani isu bekalan beras dalam negara.

Menteri Pertanian dan Keterjaminan Makanan, Datuk Seri Mohamad Sabu berkata, langkah itu termasuk mengarahkan Lembaga Pemasaran Pertanian Persekutuan (FAMA) meningkatkan pengedaran beras putih tempatan ke kawasan luar bandar termasuk di kedai-kedai runcit.

"Oleh kerana margin jualan beras putih tempatan hanya 50 sen bagi kampil beras 10 kilogram (kg), kerajaan akan menyalurkan kos pengangkutan kepada FAMA," katanya dalam sidang media khas di sini pada Isnin.

Mohamad berkata, langkah intervensi itu dipersetujui Perdana Menteri dalam pertemuan yang diadakan bersama beliau semalam.

Bagi Sabah dan Sarawak, beliau berkata, kerajaan bersetuju memberikan subsidi RM950 setiap tan metrik bagi beras putih import (BPI) mulai 5 Oktober dengan langkah itu membolehkan BPI diperolehi dengan harga runcit RM31 bagi setiap 10kg.

Beliau berkata, tindakan itu diambil kerana pengeluaran beras putih



tempatan di kedua-dua negeri itu adalah terhad.

Mohamad berkata, semua pembekal akan menggunakan BPI dengan mendapatkan bekalan pada harga borong RM3,200 (harga pintu gudang) dalam kampil 50kg tertakluk kepada syarat ditetapkan.

"Terma kontrak perolehan pembekalan beras di bawah agensi kerajaan sebelum ini termaktub menggunakan beras putih tempatan. Sehubungan itu, kerajaan memutuskan supaya perolehan baharu beras di bawah kontrak kerajaan menggunakan beras putih import," katanya.

Beliau berkata, pihaknya telah melancarkan *Task Force Khas Bersepadu Penguatkuasaan Operasi Beras Putih* (OP BPT) pada Isnin yang diketuai oleh Timbalan Menteri Pertanian dan Keterjaminan Makanan, Chan Foong Hin.

"OP BPT ini akan melibatkan badan Kawalselia Padi dan Beras (KPB), Penguat kuasa Kementerian Perdagangan Dalam Negeri dan Kos Sara Hidup (KPDN), Polis Diraja Malaysia (PDRM), Jabatan Kastam Diraja Malaysia (JKDM) serta Jabatan Perkhidmatan Kuarantin dan Pemeriksaan Malaysia (Maqis).

"Melalui OP BPT ini, kita akan buat pemeriksaan menyeluruh rantaian industri termasuk semua kilang besar dan stor-stor pemborong beras mulai esok



Mohamad (tengah) ketika sidang media khas di Kuala Lumpur pada Isnin.

(hari ini). Sampel beras juga akan diambil di semua kilang dan pemborong beras serta di pasar raya untuk dibuat analisis kimia," katanya.

Selain itu, Mohamad berkata, pihaknya akan mengambil tindakan tegas kepada mana-mana pihak yang didapati menukar kampil atau mencampurkan beras putih tempatan dengan beras putih import atau menyorokkan beras putih tempatan.

Beliau turut menasihatkan orang ramai supaya mengelak daripada membuat pembelian panik, kekal bertenang dan membeli beras mengikut keperluan serta kemampuan masing-masing.

"Bila berlaku pembelian segera, sebagai contoh, orang di Lembah Klang selalunya mereka suka beli beras import berbanding dengan beras tempatan, te-

tapi bila ada kenaikan harga beras import sehingga RM37 dan RM38 mereka berubah kepada beras tempatan.

"Sebenarnya jumlah beras yang berada di Malaysia ini tidak kurang, cuma harga beras import itu naik secara mendadak," katanya.

Semasa ditanya mengenai perkembangan perbincangan antara kerajaan dengan kerajaan India melibatkan Kementerian Pertanian dan Kebajikan Petani negara itu, beliau berkata, segala permintaan Malaysia akan dijawab pada minggu ini.

"Perdana Menteri (Anwar) telah menghubungi Perdana Menteri India, Narendra Modi. Hubungan kita dengan India amat baik sekali. Insya-ALLAH kita akan dapat keputusan yang baik pada minggu ini," katanya. - Bernama

KERATAN AKHBAR : BERITA HARIAN

TARIKH : 3 OKTOBER 2023

PERKARA : ISU SEMASA

Pihak sorok beras diberi amaran

Kementerian umum empat langkah tambahan atasi isu bekalan

Oleh Muhammad Yusri Muzamir
yusri.muzamir@bh.com.my

Kuala Lumpur: Kementerian Pertanian dan Keterjaminan Makanan (KPKM) semalam mengumumkan empat langkah tambahan bagi mengatasi isu kekurangan beras putih tempatan dalam pasaran sejak beberapa minggu lalu.

Antara langkah itu adalah membuat analisis kimia ke atas sampel stok beras yang akan diambil di semua kilang beras, gudang pemborong dan pasar raya bagi mengenal pasti ketulenan jenis beras yang dijual di pasaran, sekali gus meneiti kemungkinan berlaku manipulasi bekalan berkenaan.

Bercakap pada sidang media khas di sini, semalam, Menteri-nya, Datuk Seri Mohamad Sabu memberi amaran tindakan tegas akan diambil ke atas mana-mana pihak yang dikenal pasti melakukan aktiviti memukar kimpit, mencampurkan beras putih tempatan (BPT) dan beras putih import (BPI) atau menyorok bekalan.

Ops Bersepadu Beras Putih Tempatan yang disertai Badan Kawal Selia Padi & Beras KPKM, Penguat kuasa Kementerian Perdagangan Dalam Negeri dan Kos Sara Hidup (KPDN), Polis Diraja Malaysia (PDRM), Jabatan Kastam Diraja Malaysia (JKDM) dan Jabatan Perkhidmatan Kuarantin Dan Pemeriksaan Malaysia (MAQIS) akan dimulakan hari ini.



Mohamad pada sidang media khas di Kuala Lumpur, semalam.

(Foto Aziah Azmee/BH)



BPT ke luar bandar, termasuk ke kedai runcit.

"Oleh kerana margin jualan beras putih tempatan hanya 50 sen bagi kimpit beras 10 kilogram (kg), kerajaan akan menyalurkan kos pengangkutan kepada FAMA," katanya.

Selain itu, beliau berkata, semua perolehan pembekalan beras putih di bawah kontrak kerajaan akan menggunakan BPI dengan pembekal boleh mendapatkan bekalan pada harga borong RM3,200 (harga pintu gudang), tertakluk kepada syarat dan peraturan ditetapkan.

"Terma kontrak perolehan pembekalan beras di bawah agensi kerajaan sebelum ini termaktub menggunakan beras putih tempatan. Sehubungan itu, kerajaan memutuskan supaya perolehan baharu beras di bawah kontrak kerajaan menggunakan beras putih import," katanya.

Sidang media itu turut disertai Ketua Pengarah Kawal Selia Padi dan Beras merangkap Setiausaha Bahagian Industri Padi dan Beras KPKM, Datuk Azman

Mahmood, Timbalan Ketua Pengarah Penguat Kuasa (Operasi) Kementerian Perdagangan Dalam Negeri dan Kos Sara Hidup, Shamsul Nizam Khalil.

Ketua Pengarah Jabatan Perkhidmatan Kuarantin dan Pemeriksaan (MAQIS), Shamsul Akbar Sulaiman dan Ketua Penolong Pengarah E5, Cawangan Khas, Bukit Aman, Senior Asisten Komisioner Datin Seri Zaleha Mohd Ariffin.

Setuju beri subsidi

Mohamad yang juga Ahli Parlimen Kota Raja berkata, kerajaan turut bersetuju memberi subsidi sebanyak RM950 setiap tan bagi bekalan BPI di Sabah dan Sarawak, mulai Khamis ini.

Menerusi kaedah itu, katanya, harga runcit BPI di kedua-dua negeri berkenaan akan menjadi RM31 bagi kimpit 10kg dengan langkah terbabit diambil memandangkan pengeluaran BPT di Sabah dan Sarawak adalah terhad.

"Semua langkah intervensi tambahan ini diputuskan selepas berbincang dengan Perdana Men-

teri, Datuk Seri Anwar Ibrahim.

"Saya juga mahu mengingatkan orang ramai tidak membuat pembelian panik, sebaliknya hanya membeli beras mengikut keperluan isi rumah sahaja.

"Sebenarnya jumlah beras yang berada di Malaysia tidak kurang, cuma harga beras import naik secara mendadak (susulan keputusan kerajaan India mengenakan larangan eksport beras)," katanya.

Sementara itu, Mohamad berkata, perbincangan mengenai permintaan meningkatkan kuota import beras dari India akan dibuat bersama Pesuruhjaya Tinggi India di Malaysia, BN Reddy, minggu ini.

"Anwar sudah menghubungi Perdana Menteri India, Narendra Modi. Perbincangan lanjut akan diadakan bersama Reddy," katanya.

Mengulas lanjut, beliau menegaskan, gangguan bekalan beras ketika ini berpunca akibat perubahan trend pembelian daripada BPI kepada BPT, susulan lonjakan harga BPI pada peringkat global.

KERATAN AKHBAR : HARIAN METRO

TARIKH : 3 OKTOBER 2023

PERKARA : ISU SEMASA

Uieh Mohammad
Khairil Ashraf Mohd
Khalid
khairil.ashraf@hmetro.com.my

Kuala Lumpur

Beras putih tempatan masih sukar diperoleh walaupun kerajaan menyatakan stoknya di pasaran kembali stabil pada minggu ini.

Tinjauan Harian Metro di beberapa kedai runcit dan pasar raya di Chow Kit sebaliknya mendapati yang dijual kepada orang ramai hanyalah beras putih import.

Peniaga, Srinivas Chintapalli, 24, turut mengakui pihaknya sukar untuk memperoleh beras putih tempatan daripada pembekal.

"Sudah dua bulan beras tempatan ini tiada. Sekarang pun masih tak dapat lagi. Bila saya pesan daripada pembekal, yang hanya dapat beras import sahaja," katanya ditemui, semalam.

Sebelum ini, Timbalan Menteri Pertanian dan Keterjaminan Makanan Chan Foong Hin dilapor berkata, stok beras putih tempatan di pasaran kembali stabil pada minggu ini berbanding minggu lalu.

Foong Hin berkata, keadaan positif itu berikutan kurangnya pembelian panik oleh pengguna dan peniaga.

Mengulas lanjut, daripada segi harga penjualan beras import, Srinivas menyatakan, ia meningkat sebanyak dua kali sepanjang September.

Menurutnya, bagi beras pek 10 kilogram (kg), harganya meningkat sehingga RM7 dalam tempoh sebulan.

"Kenaikan pertama

'Sudah dua bulan beras tempatan tiada'

Peniaga turut akui sukar untuk peroleh daripada pembekal



SRINIVAS ketika ditemui di kedai beliau ketika tinjauan bekalan beras tempatan di Pasar Chow Kit. - Gambar NST/GENES GULTAH

membabitkan RM3.50 dan kenaikan berikutnya juga RM3.50. Bagi beras pek 5kg, ia hanya naik sekali iaitu RM3.50," katanya.

Menurutnya, harga terkini beras import pek 10kg adalah RM40.50 manakala untuk 5kg, sekitar RM20.50.

Seorang lagi peniaga,

"Kenaikan pertama babitkan RM3.50 dan kenaikan berikutnya juga RM3.50. Bagi beras pek 5kg, ia hanya naik sekali iaitu RM3.50"

"Kita dapat beras import sahaja sekarang. Bila kita jual beras import ini, orang ramai mengeluh sebab harganya mahal"

Kholisatul Afifah Mohd Sholadi, 26, sependapat dengan Srinivas.

"Kami sudah lebih dua bulan tidak mendapat bekalan beras putih tempatan.

"Kita dapat beras import sahaja sekarang. Bila kita jual beras import ini, orang ramai mengeluh sebab har-



"Beras putih tempatan yang murah ini susah nak dapat, tapi beras import mudah nak dapat"

ganya mahal," katanya.

Kholisatul juga menyatakan, daripada segi harga, beras putih import mengalami dua kali kenaikan pada September membabitkan pek 10kg.

"Manakala bagi beras 5kg, ia hanya naik sekali iaitu pada harga kira-kira RM1.

"Dulu kami jual beras import 5kg ini RM19.90, sekarang RM20.90," katanya.

Dia turut tidak menolak kemungkinan harga beras putih import akan meningkat pada masa depan.

Pesara guru, Wan Mohammad Wan Hussin, 60, pula meluahkan keluhannya disebabkan kesukaran untuk mendapatkan beras putih tempatan di pasaran.

"Beras putih tempatan yang murah ini susah nak dapat, tapi beras import mudah nak dapat. Disebabkan beras tempatan tiada, kami terpaksa beli beras import," katanya.

KERATAN AKHBAR : UTUSAN MALAYSIA

TARIKH : 3 OKTOBER 2023

PERKARA : ISU SEMASA

Antara empat langkah intervensi bagi atasi isu bekalan beras

Kerajaan beri subsidi beras import RM950 satu tan

Oleh **MARLISA ANTONY**
utusannews@mediamula.com.my

PETALING JAYA: Kerajaan akan memberikan subsidi RM950 bagi setiap tan metrik beras putih import (BPI) di Sabah dan Sarawak mulai 5 Oktober ini. Langkah itu bagi memastikan

beras putih import dapat dijual pada harga RM31 bagi setiap 10 kilogram (kg) di Sabah dan Sarawak.

Menteri Pertanian dan Keterjaminan Makanan, Datuk Seri Mohamad Sabu berkata, ia adalah antara empat langkah intervensi yang diambil oleh kerajaan

dalam mengatasi isu bekalan beras di seluruh negara termasuk berusaha menyerap harga beras putih import bagi menangani masalah kekurangan bekalan beras putih tempatan dalam pasaran.

Selain itu katanya, kerajaan akan menumpukan pemerkasaan

edaran beras putih tempatan menerusi Lembaga Pemasaran Pertanian Persekutuan (FAMA).

Katanya, empat langkah intervensi itu telah dipersetujui Perdana Menteri, Datuk Seri Anwar Ibrahim dalam satu pertemuan bersamanya, semalam. "Kerajaan mengarahkan FAMA

untuk meningkatkan kapasiti pengedaran beras putih tempatan ke kawasan luar bandar termasuk ke kedai-kedai runcit," katanya dalam sidang akhbar khas berkaitan isu beras dalam negara di ibu negara semalam.

Bersambung di muka 3

Kerajaan beri subsidi beras import RM950 satu tan

Dari muka 1

Mohamad berkata, kerajaan juga akan melancarkan satu Pasukan Petugas Khas Bersepadu. Penguatkuasaan Operasi Beras Putih yang memberi fokus kepada pemeriksaan dan penguatkuasaan di kesemua peringkat rantaian pembekalan beras putih tempatan (BPT).

"Operasi itu akan melibatkan Kawalselia Padi dan Beras (KPB), penguat kuasa Kementerian Perdagangan Dalam Negeri dan Kos Sara Hidup (KPDN), Polis Diraja Malaysia (PDRM), Jabatan Kastam Diraja

Malaysia (JKDM) dan Jabatan Perkhidmatan Kuarantin dan Pemeriksaan Malaysia (Majlis)," katanya.

Timbalan Menternya, Chan Foong Hin berkata, permintaan beras yang naik secara mendadak ketika ini masih terkawal dengan pelbagai langkah intervensi digerakkan di semua peringkat rantaian termasuk kilang, pemborong dan peruncit.

Beras menjadi isu nasional sejak kebelakangan ini dengan ramai yang mengadu sukar mendapatkan bekalan BPT di kedai-kedai mahupun pasar

raya.

Mohamad berkata, selain itu, pemerkasaan edaran BPT melalui Lembaga Pemasaran Pertanian Persekutuan (FAMA) akan diperluas dengan meningkatkan pengedaran di kawasan pinggir bandar dan luar bandar termasuk kedai-kedai runcit.

"Hal ini kerana, margin jualan beras putih tempatan hanya RM0.50 bagi kampakit beras 10kg, oleh itu, kerajaan akan menyalurkan kos pengangkutan kepada FAMA," katanya.

Katanya, isu beras bukan hanya berlaku di Malaysia tapi

di negara serantau, harga runcit semasa bagi satu kilogram adalah RM2.60 di Malaysia, Thailand RM3.40, Filipina RM3.70, Vietnam RM3.50, Indonesia RM3.90, Laos RM5.50, Kemboja RM4.50, Brunei RM6.00 dan Singapura RM4.50.

"Harga beras tempatan di ASEAN paling murah kini adalah di Malaysia iaitu RM2.60," katanya.

Mohamad berkata, bukan bekalan beras berkurangan tetapi harga beras import naik mendadak, jadi pembelian beralih dari beras import ke beras tempatan.

KERATAN AKHBAR : KOSMO

TARIKH : 3 OKTOBER 2023

PERKARA : ISU SEMASA

Kerajaan buru pesalah beras

DARI MUKA 1

Katanya lagi, Perdana Menteri, Datuk Seri Anwar Ibrahim sendiri telah bersetuju dengan empat langkah intervensi tambahan ini bagi menangani isu bekalan beras dalam negara.

"Melalui intervensi tersebut, kerajaan akan memastikan pemeraksanaan edaran beras putih tempatan melalui Lembaga Pemasaran Pertanian Persekutuan (FAMA) diperluaskan dengan meningkatkan pendedaran di kawasan pinggir bandar dan luar bandar.

"Oleh kerana margin jualan beras putih tempatan hanya 50 sen bagi kampil beras 10 kilogram (kg), kerajaan akan menyalurkan kos pengangkutan kepada FAMA," katanya pada Sidang Media Khas KPKM di sini semalam.

Ujar beliau, dalam konteks Sabah dan Sarawak, kerajaan juga bersetuju memberi subsidi sebanyak RM950 setiap tan metrik bagi beras putih import mulai 5 Oktober.

"Langkah ini akan membolehkan beras putih import diperolehi dengan harga runcit iaitu pada RM31 bagi setiap 10 kilogram," katanya.

Selain itu katanya, bagi memberi keutamaan kepada rakyat, kerajaan memutuskan supaya terma kontrak perolehan pembekalan beras di bawah agensi kerajaan yang sebelum ini menggunakan beras putih tempatan ditukar kepada beras putih import.

"Semua pembekal akan menggunakan beras putih import pada harga borong RM3,200 (har-



MOHAMAD (tengah) pada Sidang Media Khas KPKM di Kuala Lumpur semalam.

ga pintu gudang) dalam kampil 50 kilogram tertakluk kepada syarat dan peraturan yang telah ditetapkan," tambahnya.

Mohamad berkata, kerajaan juga akan melaksanakan Task Force Khas Bersepadu Penguatkuasaan Operasi Beras Putih (OP BPT) yang melibatkan Kawalselia Padi dan Beras (KPB), Penguatkuasa Kementerian Perdagangan Dalam Negeri dan Kos Sara Hidup (KPDN), Polis Diraja Malaysia (PDRM), Jabatan Kastam Diraja Malaysia (JKDM) dan Jabatan Perkhidmatan Kuarantin Dan Pemeriksaan Malaysia

(MAQIS).

"OP BPT ini akan memberi fokus kepada pemeriksaan dan penguatkuasaan di kesemua peringkat rantaian pembekalan beras putih tempatan," katanya.

Tambah beliau, fenomena kenaikan harga bukan sahaja berlaku di Malaysia, malah turut melibatkan negara serantau.

Dalam pada itu, Mohamad turut menjelaskan isu kelangkaan beras di Malaysia sebenarnya tidak berlaku, sebaliknya orang ramai lebih beralih untuk menggunakan beras tempatan.

"Sebenarnya, beras di Malaysia bukannya kurang, tetapi lebih ramai yang beralih menggunakan beras tempatan kerana kenaikan harga beras import," katanya.

Ditanya mengenai pertemuan kerajaan (G2G) dengan Kementerian Pertanian dan Kebajikan Petani India, beliau berkata sebarang keputusan bakal dilakukan pada minggu ini.



KERAJAAN akan memastikan edaran bekalan beras putih tempatan dapat diperluas ke luar bandar. - CAMBAR HIASAN

KERATAN AKHBAR : KOSMO

TARIKH : 3 OKTOBER 2023

PERKARA : ISU SEMASA



PEMBELIAN panik dalam kalangan pengguna menyebabkan berlakunya kekurangan bekalan beras tempatan. - GAMBAR HIASAN

Dakwaan bekalan beras habis punca berlaku pembelian panik

BENTONG - Penularan video yang tular kononnya bekalan beras di pasar raya habis menjadi antara punca yang mencetuskan pembelian panik seterusnya menyebabkan berlakunya kekurangan bekalan beras di pasaran.

Menteri Pertanian Keterjaminan Makanan, Datuk Seri Mohamad Sabu berkata, sehubungan itu, orang ramai dinasihatkan tidak melakukan pembelian panik beras putih tempatan dan hanya membeli beras mengikut keperluan bu-

lanan keluarga selain tidak menyimpan stok.

"Kalau sebulan sekampit, beli lah sekampit, kalau perlu dua kampit tiap-tiap bulan beli dua kampit.

"Tetapi bila harga beras import naik melambung sampai RM37, RM40, mereka cari beras tempatan. Bila cari beras tempatan pula, ada yang tular video dan sebagainya bahawa bulan depan tidak ada beras.

"Jadi orang ramai pun serbu dan beli beras yang sebelum han-

ya sekampit jadi tiga kampit.

"Bila dia beli tiga, dia sudah ambil beras orang lain," katanya pada Program Sembang Santal Perpaduan di Kampung Hayat di sini kelmarin.

Dalam pada itu, Mohamad mengakui isu bekalan beras berlaku ekoran keputusan India yang menamatkan eksport, namun tidak menolak keadaan itu akan kembali reda dengan pelan jangka panjang dan pendek yang sedang dilakukan pihak kerajaan.

KERATAN AKHBAR : NEW STRAIT TIMES

TARIKH : 3 OKTOBER 2023

PERKARA : ISU SEMASA

8 | NEWS / Nation

PRICE HIKE AND RISE IN DEMAND

4 MEASURES TO ADDRESS RICE WOES UNVEILED

Talks over India's rice export limit may also yield results this week, says minister

FUAD NIZAM
KUALA LUMPUR
fuadnizam@nst.com.my

THE Agriculture and Food Security Ministry will implement four drastic intervention measures to address the price hike of imported rice and the rise in demand of local rice.

Its minister, Datuk Seri Mohamad Sabu, said the decision was made following a meeting with Prime Minister Datuk Seri Anwar Ibrahim.

"One of the measures is the empowerment of local white rice

distribution through the Federal Agricultural Marketing Authority which will be expanded by increasing distribution in suburban and rural areas.

"For Sabah and Sarawak, the government will absorb the price of local white rice from Thursday to enable it be obtained at a retail price of RM31 per 10kg. This is because the production of local white rice in the two states is limited."

Mohamad said another measure was the new procurement of rice under the government contract, which would use local white rice.



Agriculture and Food Security Minister Datuk Seri Mohamad Sabu speaking during a special press conference in Kuala Lumpur, yesterday. PIC BY AZIAH AZMEE

"All suppliers will use local rice by obtaining supplies at a wholesale price of RM3,200 (warehouse price) in 50kg bags subject to conditions and regulations that have been set. This is to give priority to the supply of rice to the people."

"We will also be launching the Integrated Special Task Force for the Enforcement of White Rice Operations involving the control of padi and rice, Domestic Trade and Cost of Living Ministry enforcement division, police, Royal Malaysian Customs Department and Malaysian Quarantine and Inspection Services Department," he said at a special press conference yesterday.

Mohamad added that the operation will focus on inspection and enforcement at all levels of the local white rice supply chain.

"Rice samples will also be taken at all rice mills, wholesale warehouses and supermarkets for chemical analysis to ensure there is no manipulation of the commodity."

Meanwhile, Mohamad said government-to-government (G2G) talks over the rice export restrictions imposed by India should see an outcome by this week.

"In regard to the G2G talks with India, our prime minister made a call to Indian Prime Minister Narendra Modi. Due to the current situation faced by India, including its elections and issues with Canada, their prime minister advised for the talks to be made through representatives."

"Following this, the Indian high commissioner came to my

office for discussions, and our requests will be answered by them this week. God willing, we will see a good result."

Among those present at the press conference were Agriculture and Food Security Ministry Padi and Rice Industry Division director Datuk Azman Mahmood, and Domestic Trade and Cost of Living Ministry enforcement deputy director-general Shamsul Nizam Khalil.

Mohamad earlier told the Dewan Rakyat on Sept 18 that negotiations will be made with the Indian government to find a suitable solution over the rice export restrictions made by India.

This, he had said, will be one of the efforts to help alleviate the issue of local white rice shortage in the country.